

宋本內經

王太僕註
光緒甲申孟蘊重摹
李若愚題籤
四冊



重廣補注黃帝內經素問卷第十三

啟玄子次注林億孫奇高保衡等奉敕校正孫兆重改誤

病能論

奇病論

大奇論

脉解篇

病能論篇第四十六

新校正云按全元起本在第五卷

黃帝問曰人病胃脘癰者診當何如歧伯對曰診此

者當候胃脉其脉當沉細沉細者氣逆

胃者水穀之海其血盛氣壯今反脉

沉細者是逆常平也

新校正云按

逆者人迎甚盛甚盛則熱

甲乙經沈細作沈瀟太素作沈細

沈細為寒寒氣格陽故人迎脉盛人迎者陽明之脉故盛則熱也人迎謂結喉傍脉動應手者

人迎者胃脉也

胃脉循喉嚨而

人缺盆故云人迎者胃脉也

逆而盛則熱聚於胃口而不行故胃脘為



癰也

血氣壯盛而熱內薄之兩氣合熱故結為癰也

帝曰善人有臥而有所不安者

何也歧伯曰藏有所傷及精有所之寄則安故人

能懸其病也

五藏有所傷損及之水穀精氣有所之寄扶其下則臥安以傷及於藏故人不能懸其病處於空中也 新校正云

按甲乙經精有所之寄則安作情有所倚則臥不安太素作精有所倚則不安

帝曰人之不得偃臥者何

也

謂不得仰臥也

歧伯曰肺者藏之蓋也

居高布葉四藏下之故言肺者藏之蓋也 肺

氣盛則脉大脉大則不得偃臥

肺氣盛滿偃臥則氣促喘奔故不得偃臥也

論

在奇恒陰陽中

奇恒陰陽上古經篇名出本闕

帝曰有病厥者診右脉沉

而緊左脉浮而達不然病主安在

不然言不沉也新校正云按甲乙經不然作不知

歧伯曰冬診之右脉固當沉緊此應四時左脉浮而

達此逆四時在左當主病在腎頗關在肺當腰痛也

以冬左脉浮而遲浮為肺脉故言頗關在肺也腰者腎之府故腎受病則腰中痛也

帝曰何以言之歧伯曰

少陰脉貫腎絡肺今得肺脉腎為之病故腎為腰痛

之病也

左脉浮遲非肺來見以左腎不足而脉不能沉故得肺脉腎為病也

帝曰善有病頸癰者

或石治之或鍼灸治之而皆已其真安在

言所攻則異所愈則同欲聞真

法何所

在也 歧伯曰此同名異等者也

言雖同曰頸癰然其皮中別異不一等也故下云

夫

癰氣之息者宜以鍼開除去之夫氣盛血聚者宜石

而寫之此所謂同病異治也

息癰也死肉也石砭石也可以破大癰出膿今以銑鍼代之

帝

曰有病怒狂者

新校正云按太素怒狂作善怒

此病安生歧伯曰生於陽

也帝曰陽何使人狂

怒不慮禍故謂之狂

歧伯曰陽氣者因暴

折而難決故善怒也病名曰陽厥

言陽氣被折鬱不散也此人多怒亦曾因暴折而心

不疏暢故爾如是者皆陽逆躁極所生病名陽厥

帝曰何以知之歧伯曰陽明者常

動巨陽少陽不動不動而動大疾此其候也

言頸項之脉皆動

止也陽明常動者動於結喉傍是謂人迎氣舍之分位也若以少陽之動動於曲頰下是謂天窓天牖之分位也若巨陽之動動於項兩傍大筋前陷者中是謂天柱天容之分位也不應常動而反動甚者動當病也
新校正云詳王注以天窓為少陽之分位天容為太陽之分位按甲乙經天窓乃太陽脉氣所發天容乃少陽脉氣所發二位交互當以甲乙經為正也
帝曰治之柰何歧伯曰奪其食即

已夫食入於陰長氣於陽故奪其食即已

食少則氣衰故節去其食即病

自止

新校正云按甲乙經奪作衰太素何也

使之服以生鐵洛為飲

新校正云按甲乙經鐵洛作鐵落為

飲作為後飯

夫生鐵洛者下氣疾也

之或為人傳文誤也鐵洛味辛微温平主治下氣方俗或呼為鐵漿

非是生鐵液也

帝曰善有病身熱解墮汗出如浴惡風少氣此

為何病歧伯曰病名曰酒風

飲酒中風者也風論曰飲酒中風則為漏風是亦名漏風也夫極飲

者陽氣盛而腠理疎玄府開發陽盛則筋痿弱故身體解墮也腠理疎則風內攻玄府發則氣外泄故汗出如浴也風氣外薄膚腠復開汗多內虛痺熱熏肺故惡風少氣也因酒而病故曰酒風

帝曰治之奈何歧伯曰以澤瀉朮各十

分麋銜五分合以三指撮為後飯

朮味苦溫平主治大風止汗麋銜味苦寒平主治風

濕筋痿澤瀉味甘寒平主治風濕益氣由此功用方故先之飯後藥先調之後飯

所謂深之細者其中手

如鍼也摩之切之聚者堅也搏者大也上經者言氣

之通天也下經者言病之變化也金匱者決死生也

揆度者切度之也奇恒者言奇病也所謂奇者使奇

病不得以四時死也恒者得以四時死也

新校正云按楊上善云得病傳

之至於勝時而死此為恒中

所謂揆者方切求之也言切求

其脉理也度者得其病處以四時度之也

凡言所謂者皆釋未了義今此

所謂尋前後經文悉不與此篇義相接似今數句少成文義者終是別釋經文世本既闕第七二篇應彼闕經錯簡文也古文斷裂繆續於此

奇病論篇第四十七

新校正云按全元起本在第五卷

黃帝問曰人有重身九月而瘖此爲何也

重身謂身中有身則懷妊者也

瘖謂不得言語也妊娠九月足少陰脉養胎約氣斷則瘖不能言也

岐伯對曰胞之絡脉絕也

謂絕

脉斷絕而不通流而不能言非天真之氣斷絕也

帝曰何以言之岐伯曰胞絡者繫

於腎少陰之脉貫腎繫舌本故不能言

少陰腎脉也氣不營養故舌不能言

帝曰治之奈何岐伯曰無治也當十月復

十月胎去胞絡復通腎脉

上營故復舊而言也刺法曰無損不足益有餘以成其疹

疹謂久病也反法而

治則胎死不去遂成久固之疹病也

然後調之

新校正云按甲乙經及太素無此四字按全元起注云所謂不治者其身九月而瘖

身重不得爲治須十月滿生後復如常也然後調之則此四字本全元起注文誤書於此當刪去之

所謂無損不足者



身羸瘦無用鑱石也

妊娠九月筋骨瘦勞力少身重又拒於穀故身形羸瘦不可以鑱石傷也

無益

其有餘者腹中有形而泄之泄之則精出而病獨擅

中故曰疹成也

胎約胞絡腎氣不通因而泄之腎精隨出精液內竭胎則不全胎死腹中著而不去由此獨擅故疹成焉

帝

曰病脇下滿氣逆二三歲不已是為何病歧伯曰病

名曰息積此不妨於食不可灸刺積為導引服藥藥

不能獨治也

腹中無形脇下逆滿頻歲不愈息且形之氣逆息難故名息積也氣不在胃故不妨於食也灸之則火熱內燥氣化

為風刺之則必寫其經轉成虛敗故不可灸刺是可積為導引使氣流行久以藥攻內消瘀積則可矣若獨憑其藥而不積為導引則藥亦不能獨治之

也帝曰人有身體髀股骭皆腫環齊而痛是為何病

歧伯曰病名曰伏梁

以衝脉病故名曰伏梁然衝脉者與足少陰之絡起於腎下出於氣街循陰股內廉斜入臍中

循胛骨內廉並足少陰經下入內踝之後入足下其上行者出齊下同身寸之三寸闕元之分袂齊直上循腹各行會於咽喉故身體髀皆腫纏齊而痛名曰

伏梁環謂圓 此風根也其氣溢於大腸而著於育育之原

在齊下故環齊而痛也 大腸廣腸也經說大腸當言迴腸也何

而下廣腸附脊以受迴腸左環葉積上下辟大尋此則是迴腸非 不可動

之動之為水溺瀦之病也 以衝脉起於腎下出於氣街其上行者

則為水而溺瀦也動謂齊其毒藥而擊動之使其大下 帝曰人有尺脉

數甚筋急而見此為何病 筋急謂掌後尺中兩筋急也脉要精微

脉數急脉數為熱熱當筋緩反尺中筋急而見腹中 歧伯曰此所謂

疹筋是人腹必急白色黑色見則病甚 腹急謂俠齊堅筋

中故見尺中筋急則必腹中拘急矣色見謂見於面部 帝曰人有病頭

痛以數歲不已此安得之名為何病 頭痛之疾不當踰月數

歧伯曰當有所犯大寒內至骨髓髓者以腦為主腦

逆故令頭痛齒亦痛

夫腦為髓主齒是骨餘腦逆反寒骨亦寒入故令頭痛齒亦痛

病名曰厥

逆帝曰善

全注人先生於腦緣有腦則有骨髓齒者骨之本也

帝曰有病口甘者病名

為何何以得之歧伯曰此五氣之溢也名曰脾瘴

謂

熱也脾熱則四藏同稟故五氣上溢也生因脾熱故曰脾瘴

夫五味人口藏於胃脾為之行

其精氣津液在脾故令人口甘也

脾熱內滲津液在脾胃穀化餘精氣隨溢口通脾氣

故口甘津液在脾是脾之濕

此肥美之所發也

新校正云按太素發作致

此人必數食

甘美而多肥也肥者令人內熱甘者令人中滿故其

氣上溢轉為消渴

食肥則腠理密陽氣不得外泄故肥令人內熱甘者性氣和緩而發散逆故甘令人中滿然內熱則

陽氣炎上炎上則欲飲而監乾中滿則陳氣有餘有餘則脾氣上溢故曰其氣上溢轉為消渴也陰陽應象大論曰辛甘發散為陽靈樞經曰甘多食之令人

悶然從中滿以生之

新校

治之以蘭除陳氣也

蘭謂蘭草也神農曰蘭草味辛熱平

正云按甲乙經消渴作消瘴利水道辟不祥胸中痰癖也除謂去也陳謂久也言蘭除陳久甘肥不化之氣者以辛能發散故也藏氣法時論曰辛者散也

新校正云按本草蘭平不言

也熱帝曰有病口苦取陽陵泉口苦者病名為何何以

得之歧伯曰病名曰膽瘴

亦謂熱也膽汁味苦故口苦 新校正云按全元起本及太素無口苦取陽陵

泉六字詳前後

夫肝者中之將也取決於膽咽為之使

靈

文勢疑此為誤

祕典論曰肝者將軍之官謀慮出焉膽者中正之官決斷出焉肝與膽合氣性相通故諸謀慮取決於膽咽膽相應故咽為使焉

新校正云按甲乙經曰膽

者中精之府五藏取決於膽咽為之使疑此文誤

此人者數謀慮不決故膽虛氣上

溢而口為之苦治之以膽募俞

胸腹曰募背脊曰俞膽募在乳下二肋外期門下同身寸之五

分俞在脊第十椎下兩傍相去各同身寸之一寸半

治在陰陽十二官相使下

言治法具於彼篇今經已

亡帝曰有癰者一日數十洩此不足也身熱如炭頸

膺如格人迎躁盛喘息氣逆此有餘也

是陽氣太盛於外陰氣不足故有餘

也新校正云詳此十五字舊作文寫按甲乙經太素並無此文再詳乃是全元起注後人誤書於此今作注書

太陰脉微細

如髮者此不足也其病安在名為何病

癰小便不得也瘦小便也頸膺如格

言頸與胸膺如相格拒不順應也人迎躁盛謂結喉兩傍脉動盛滿急數非常躁速也胃脉也太陰脉微細如髮者謂手大指後同身寸之一寸骨高脉動處脉則肺脉也此正手太陰脉氣之所流可以候五藏也歧伯曰病在太陰其盛在胃頗

在肺病名曰厥死不治

病癰數洩身熱如炭頸膺如格息氣逆者皆手太陰脉當洪大而數今太陰脉反微

細如髮者是病與脉相反也何以致之肺氣逆陵於胃而為是上使人迎躁盛也故曰病在太陰其盛在胃也以喘息氣逆故云頗亦在肺也病因氣逆證不相應故病名曰厥死不治也此所謂得五有餘二不足也帝曰何謂五

有餘二不足歧伯曰所謂五有餘者五病之氣有餘

也二不足者亦病氣之不足也今外得五有餘內得

二不足此其身不表不裏亦正死明矣

外五有餘者一身熱如炭二頸膚如

格三人迎躁盛四喘息五氣逆也內二不足者一病瘳一日數十洩二太陰脉

微細如髮夫如是者謂其病在表則內有二不足謂其病在裏則外得五有餘

表裏既不可焉補寫固難為法故

曰此其身不表不裏亦正死明矣

帝曰人生而有病巔疾者病

名曰何安所得之

夫百病者皆生於風雨寒暑陰陽喜怒也然始生有形未犯邪氣已有巔疾豈邪氣素傷邪故問之

巔謂上巔則頭首也

歧伯曰病名為胎病此得之在母腹中時其

母有所大驚氣上而不下精氣并居故令子發為巔

疾也

精氣謂陽之精氣也

帝曰有病癰然如有水狀切其脉大緊

身無痛者形不瘦不能食食少名為何病

癰然謂面目浮起而色雜也大

緊謂如弓弦也大即為氣緊即為寒寒氣內薄而反無痛與眾別異常故問之也

歧伯曰病生在腎名為

腎風

脉如弓弦大而且緊勞氣內穢寒復內爭勞氣薄寒故化為風風勝於腎故曰腎風

腎風而不能食善

驚驚已心氣痿者死

腎水受風心火痿弱火水俱困故必死

帝曰善

大奇論篇第四十八

新校正云按全元起本在第九卷

肝滿腎滿肺滿皆實即為腫

滿謂脉氣滿實也腫謂癰腫也藏氣滿乃如是

肺之

雍喘而兩肱滿

肺藏氣而外主息其脉支別者從肺系橫出腋下故喘而兩肱滿也

作癰肝雍兩肱滿臥則驚不得小便

肝之脉循股陰入髀中環陰器抵少腹上貫肝鬲布脇肋

故肱滿不得小便也

腎雍腳下至少腹滿

新校正云按甲乙經腳下作肱下脚當作肱不得言

脚至少腹也

脛有大小髀髻大跛易偏枯

衝脉者經脉之海與少陰之絡俱起於腎下出於氣

街循陰股內廉斜入膈中循髀骨內廉並少陰之經下入內踝之後入足下其上行者出齊下同身寸之三寸故如是若血氣變易為偏枯也

心脉

滿大癰癥筋攣

心脉滿大則肝氣下流熱氣內薄筋乾血涸故癰癥而筋攣

肝脉小急癰癥

筋攣

肝養筋內藏血肝氣受寒故癰癥而筋攣脉小急者寒也

肝脉驚暴有所驚駭

驚謂馳驚言其

迅急也陽氣內薄故發為驚也

脉不至若痞不治自己

肝氣若厥厥則脉不通厥退則脉復通矣又其脉在

脇肋循喉嚨之後故脉不至若痞不治亦自己

腎脉小急肝脉小急心脉小急不鼓

皆為瘕

小急為寒甚不鼓則血不流血不流而寒薄故血內凝而為瘕也

腎肝并沉為石水

肝脉

入陰內貫小腹腎脉貫脊中絡膀胱兩藏并藏氣熏衝脉自腎下絡於胞今水不行化故堅而結然腎主水水冬冰水宗於腎腎象水而沉故氣并而沉名為

石水

新校正云詳腎肝並沉至下并小

并浮為風水

脉浮為風下焦主水風薄於下故名

弦欲驚全元起本在厥論中王氏移於此

并虛為死

腎為五藏之根肝為發生之主二者不足是生主俱微故死

并小絃欲驚

脉小弦為肝腎不足

故腎脉大急沉肝脉大急沉皆為疝

疝者寒氣結聚之所為也夫脉沉為實脉急為痛氣

實寒薄聚故為絞痛為疝

心脉搏滑急為心疝肺脉沉搏為肺疝

皆寒薄於藏故

也三陽急為瘕二陰急為疝

太陽受寒血凝為瘕太陰受寒氣聚為疝

二陰急為癰

厥一陽急為驚

二陰少陰也二陽陽明也急為瘕至此全元起本在厥論王氏移於此

脾脉

外鼓沉為腸澼久自己

外鼓謂鼓動於臂外也

肝脉小緩為腸澼

易治

肝脉小緩為脾乘肝故易治

腎脉小搏沉為腸澼下血

小為陰氣不足搏為陽氣乘之

熱在下焦故下血也

血溫身熱者死

血溫身熱是陰氣喪敗故死

心肝澼亦下血

肝藏血心養血

故澼皆下血也

一藏同病者可治

心火肝木木火相生故可治之

其脉小沉澼為腸

澼

心肝脉小而沉澼者澼也

其身熱者死熱見七日死

腸澼下血而身熱者是火氣內絕去心而歸於

外也故死火成數七故七日死

胃脉沉鼓澼胃外鼓大心脉小堅急皆死

偏枯

外鼓謂不當尺寸而鼓擊於臂外側也

男子發左女子發右

陽主左陰主右故爾陰陽應象大論

曰左右者陰陽之道此其義也

不瘡舌轉可治三十日起

偏枯之病瘡不能言腎與胞脉內絕也胞脉繫

於腎腎之脉從腎上貫肝鬲入肺中循喉嚨挾舌本故氣內絕則瘡不能言也

其從者瘡三歲起

從謂男子發在女子

發右也病順左右而瘡不能言三歲治之乃能起

年不滿二十者三歲死

以其五藏始定血氣方剛藏始定則

易傷氣方剛則甚費易

傷甚費故三歲死也

脉至而搏血衄身熱者死

血衄為虛脉不應搏今反脉搏

是氣極乃然故死

脉來懸鉤浮為常脉

以其為血衄者之常脉也

脉至如喘名曰

暴厥

喘謂卒來盛急去而便衰如人之喘狀也

暴厥者不知與人言

所謂暴厥之候如此

脉至

如數使人暴驚

脉數為熱熱則內動肝心故驚

三四日自已

數為心脉木被火干病非肝生不與

邪合故三日後四日自除所以爾者木生數三也

脉至浮合

如浮波之合後至者凌前速疾而動無常候也

浮合如

數一息十至以上是經氣予不足也微見九十日死

脉至如火薪然是心精之予奪也草乾而死

薪然之火燄譬譬不

定其形而便絕也

脉至如散葉是肝氣予虛也木葉落而死

散如

葉之隨風不常其狀 新校 正云按甲乙經散葉作叢棘

脉至如省客省客者脉塞而鼓是

腎氣予不足也懸去棗華而死

脉塞而鼓謂纔見不行施復去也懸謂如懸物物動而絕去也